

A Mesa do Parlamento, na súa sesión do día 16 de decembro de 2024 adoptou os seguintes acordos:

PUNTO 2.º- COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

2. Administración do Parlamento de Galicia

2.1. Plan de pensións

Achegas ao Plan de pensións do persoal ao servizo do Parlamento de Galicia

Examínase a proposta de achegas do promotor ao Plan de pensións do Parlamento de Galicia exercicio 2024, elaborada pola Intervención da Cámara, así como o informe de fiscalización relativo á aportación que lle corresponde ao Parlamento de Galicia para o exercicio de 2024, como promotor do plan de pensións, e o informe sobre a cuantificación da masa salarial, ao abeiro do estipulado no artigo 29 do Texto refundido do Estatuto Básico da función pública e por mor das referencias orzamentarias ao devandito límite.

Tendo en conta as seguintes consideracións:

1.- O Real Decreto lei 4/2024, do 26 de xuño, polo que se prorrogan determinadas medidas para afrontar as consecuencias económicas e sociais derivadas dos conflitos en Ucraína e Oriente próximo e se adoptan medidas urxentes en materia fiscal, enerxética e social, establece no seu artigo 6 un incremento non superior ao 2% das retribucións do persoal, e admite aportacións a plans de pensións sempre que non se supere a dita porcentaxe.

Está igualmente pendente que se verifique a suba adicional do 0.5% no caso de que a suma do IPCA dos anos 2022, 2023 e 2024 supere o incremento retributivo fixado acumulado neses anos.

2.- Ao aplicarlle o incremento do 2%, o importe de cada aportación individual pasaría de 1.555,03€ (no exercicio anterior) a 1.586,13€ para este exercicio de 2024.

3.- O importe total da aportación en 2024 por parte do Parlamento de Galicia, para os 85 partícipes, ascende a un total de 134.821,05€.

4.- Para afrontar a aportación, existe crédito na aplicación orzamentaria do estado de gastos 01.01.11B.162.09 do exercicio de 2024.



Xa que logo, en exercicio das competencias atribuídas polo artigo 15 do Regulamento orzamentario e contable do Parlamento de Galicia e do Valedor do Pobo, a Mesa acorda a autorización e disposición da aportación do promotor por un importe total de 134.821,05€, con cargo á partida orzamentaria do estado de gastos 01.01.111B.162.09 do exercicio 2024, sendo a aportación individual de 1.586,13€ a cada un dos 85 partícipes, como resultado da aplicación do incremento estipulado polo Estado para o exercicio de 2024.

Santiago de Compostela, 18 de decembro de 2024

Xosé Antón
Sarmiento Mendez,
Letrado Oficial Maior

Firmado digitalmente por Xosé Antón
Sarmiento Mendez, Letrado Oficial Maior
Nombre de reconocimiento (DN): cn=Xosé
Antón Sarmiento Mendez, Letrado Oficial
Maior,
email=xsarmiento@parlamentodegalicia.gal
Fecha: 2024.12.18 11:45:47 +01'00'

Xosé Antón Sarmiento Méndez
Letrado oficial maior



Asinado dixitalmente por:



PARLAMENTO DE GALICIA
REXISTRO XERAL SAÍDA
Data asento: 18/12/2024 11:51:52
Nº Rexistro: 4348
Data envío: 18/12/2024 11:51:52.581

Xosé Antón Sarmiento Mendez, Letrado Oficial Maior na data 18/12/2024 11:45:47

CSV: REXISTRO-tunaFtYoO-8
Verificación:
<https://sede.parlamentodegalicia.gal/tramites/csv/>

